

ՊԱՇՏՈՆԱԿԱՆՔ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ

ՀՈՒՆԱՍՏԱՆԻ ՆԱԽԱԳԱՀԻՆ

Մայիսի 13-ին Մայր Աթոռ Ս. Էջմիածին այցելեց Հունաստանի Մախագահ Կոնստանտինոս Ատեֆանուլուսը՝ ՀՀ արտաքին գործերի Մախագահ Վարդան Օսկանյանի ուղեկցությամբ։ Վեհաբանի զահասրահում Մախագահին և հունական պատվիրակությանն ընդունեց Ն.Ա.Օ.Տ.Տ. Ամենայն Հայոց Գարեգին Ա Կաթողիկոսը։ Պատվիրակության կազմում էին Հունաստանի արտաքին գործերի Մախարարի տեղակալ Գրիգորիս Նիոտիսը, ազգային էկոնոմիկայի Մախարարի տեղակալ Ալեքսանդրոս Բալտասը, պաշտոնատար այլ անձինք ու գործարարներ։ Հանդիպմանը ներկա էին նաև Երուսաղեմի հայոց Պատրիարք Տ. Թորգոմ արքեպս. Մանուկյանը, գերաշնորհ հայրեր։

«Դարավոր պատմական կապեր ունեն հույն և հայ ժողովուրդները, սկսած Հելենական շրջանից մինչև Բյուզանդիոն և մինչև այսօրվա Հունաստան, ուր այժմ ապրում են մեր բազմաթիվ զավակները, հպարտ լինելով որպես հույն քաղաքացիներ և հպարտ՝ որպես Հայ Առաքելական Ուղղափառ Եկեղեցու զավակներ» խոսքերով սկսվող Վեհափառ Հայրապետի յոթույնի խոսքը՝ ուղղված Հունաստանի Մախագահին, ընթերցեց Հունաստանի թեմի առաջնորդ Տ. Ոսկան արքեպս. Գալփաքյանը։

Վեհափառ Հայրապետն իր խոսքում փաստեց, որ Հունաստանն էր այն երկիրը, որտեղ 1922 թվականի Իզմիրի ջարդերից հետո հանգրվան գտան բազմաթիվ հայեր։

Այնուհետև Նորին Սրբությունն իր երախտիքը հայտնեց Հունաստանի Մախագահին՝ անցյալ տարի Հունաստանի Խորհրդարանի կողմից ապրիլի 24-ը որպես Հայոց ցեղասպանության օր հռչակման համար և նշեց, որ այն հունական իշխանությունների բարեկամական վերաբերմունքի մի նոր արտահայտություն էր։ Բարեկամության ևս մի արտահայտություն էր անցած տարի Աթենքում՝ Սեդարոնի սրահում կազմակերպված «Հայաստանի գանձերը» ցուցահանդեսը՝ նվիրված Հայաստանում քրիստոնեությունը պետական կրոն հռչակման 1700-ամյակին։

Նորին Արքուքյունն իր ռոջույնը իղեց նաև Հույն Օրթոդոքս Եկեղեցուն, որի հետ Հայոց Եկեղեցին սերտ հարաբերություններ ունի:

Հունաստանի նախագահը ջերմագին շնորհակալություն հայտնեց հանդիպման համար՝ իր և իր ժողովրդի անունից Վեհափառ Հայրապետին մաղթելով շուտափույթ ապաքինում: Կարևորելով հանդիպումը Սայր Աթոռ Սր. Էջմիածնում, նախագահը հավաստիացրեց, որ այն մոր լիցք կհաղորդի երկու ժողովուրդների բարեկամության ամրապնդմանը:

«Շնորհակալություն», - հանդիպման ավարտին հունարեն տառերով թղթին հանձնեց Վեհափառ Հայրապետը:

Այա Հունաստանի նախագահը Կաթողիկոսական Ընդհանուր փոխանորդ Տ. Գարեգին արքեպս. Ներսիսյանի ուղեկցությամբ ժամոթացավ Վեհարանի թանգարանում պահվող գանձերին, այցելեց Սայր Տաճար: